



Inatsisartunut ilaasortaq Vivian Motzfeldt, Siumut
Maani

Nunalerineq pillugu § 37 naapertorlugu apeqqut nr. 179-mut akissuteqaat

Inatsisartut suleriaasianni § 37, immikkoortoq 1, naapertorlugu Naalakkersuisunut arlalinnik apeqquteqarputit. Apeqqutit uannut akisassanngorlugit innersuunneqarsimapput.

1. Nunalerinermut allaffissornikkut qitiusumik allattoqarfik nunap immikkoortuanut sumiiffimmi nunaleriffiusumut nuunneqarnissaannik pilersaaruteqartoqarpa ?

Aallarniutigalugu qitiusumik allattoqarfik qanoq paasissaanersoq apeqquserneqarsinnaavoq. Nunalerinermut atatillugu suliassat immikkoortunut pingasunut agguanneqarsimasut oqaatigineqarsinnaavoq taakkulu ukuullutik:

- Nunalerinermut Immikkoortortaqarfik.
- Aalisarnermut Nunalerinermullu tapiissutit pillugit immikkoortortaqarfik – ESU.
- Nunalerinermut Siunnersorteqarfik.

APNN-mi Nunalerinermut Immikkoortortaqarfik Inatsisiliorneq qullersaasumik ingerlanneqartarpoq ilaatigullu inuussutissarsiummik siuarsaanermut aningaasaliissutinik qinnuteqaatit suliarineqartarlutik, taakkulu Siunnersorteqarfik aqutigalugu tiguneqartarlutik. Taassuma saniatigut Nunalerinermut Immikkoortortaqarfik Nunalerinermik Siunnersuisoqatigiinnut allattoqarfiuvoq.

Aalisarnermut Nunalerinermullu tapiissutit pillugit immikkoortortaqarfik – ESU – nunalerinermik siuarsaanermik suliaqartarpoq kiisalu inatsisini tunngaveqartunik taarsigassarsiniarnerit suliarisarlugit allaffissornikkullu suliassat attuumasuteqartut ilanngullugit. ESU-mut qinnuteqaatit SPS-mi aamma Nunalerinermut Siunnersorteqarfimmi suliarineqareerlutik tassani aalajangiiffigineqartarput.

Siunnersorteqarfiup angusaqarnissamut isumaqatigiissutaa ukiukkaartumik naliiffigineqartarpoq taamaattumillu allannguinissamut sukaterinissamullu periarfisaqarpoq.

Nunalerinermut Siunnersorteqarfik Qaqortumi inissisimasoq angusaqarnissamut isumaqatigiissut malillugu savaatilinnik/nunaatilinnik siunnersuisarnermini ulluinarni savaatillit/nunaatillit qanimut suleqatigisarpai saniatigullu APNN-mi Nunalerinermut Immikkoortortaqarfimmut ESU-mut attaveqaataasarluni.

Nunalerinermut Immikkoortortaqarfiup imaluunniit Nunalerinermut tapiissutit pillugit immikkoortortaqarfiup Qaqortumut nuunneqarnissaa Naalakkersuisut maannakkut pilersaarutiginngilaat, kisiannili politikikkut sulinermi nalilersuisoqarpoq siunissami qanoq iliortoqarsinnaanerani.

29-07-2015
Sags nr. 2015-116588
Dok. nr. 2018377

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

2. Ukiuni tulliuuttuni savaateqarfiit ikiliartornerisa kingunerisaannik savaaqqat tunisassiarineqartussat ikilinissaat naatsorsuutigineqarpoq. Tamanna qanoq immikkut ittumik iliuuseqarfigissallugu Naalackersuisunit pilersaaruteqartoqarpa?

Nunalerineq pillugu Ataatsimiititaliarsuup inassuteqaatai 2014-mi tunniunneqartut pillugit Naalackersuisut suliniutinik piareesaateqarput.

Inatsisiliornermut tunngassuteqartut suliassat aallartinneqareerput taakkulu kingunerissavaat pilersitsiniarnernut nutaanut sinaakkutissat atukkallu pitsaanerulernissaat savaaqqat tunisassiarineqartut aamma savaatillit ikiliartortut ilorraap tungaanut aallartissinnaallugit. Nunalerinermit inatsip nr. 5-ip 1996-meersup nutarternissaa nalunaarutit attuumassuteqartut ilanngullugit, inuussutissalernerimik siuarsaaneq pillugu Inatsisartut inatsisaat kiisalu ESU pillugu suliniutit sukumiisumik torersarnissaat ilaatigut taaneqarsinnaapput. Suliassat pineqartut aallar-tinneqareerput SPS, Siunnersorteqarfik kiisalu kommunit attuumassuteqartut qanimit suleqatigalugit.

Nukissiutinik ataavartunik atorluaanerulernissaq, soorlu erngup nukinga aamma seqernup nukinga, aningaasartuutikillisaanermik suliassaapput taakkulu kingunerissavaat nunalerinermit ulluinnarni aningaasartuutikillisaaneq aamma aningaasanik isertitaqarnerulernerq taamaattumillu uumasuutigineqartut amerlineqarsinnaassallutik, narsaatit allineqarsinnaassallutik, aqquserngit pitsanngorsarneqarsinnaassallutik kiisalu nerukkaatissaliarineqartut kimittuut amerlanerulernissaat taamatullu nerukkaatissat eqqussorneqartut ikilinissaat.

Inuussutissarsiummik siuarsaanissaq pillugu Inatsisartut inatsisaat malillugu nukissiutinik ataavartunik atuinissamut ESU aqqutigalugu aningaasanik qinuteqarnissamut periarfissaqarpoq.

Nunalerineq pillugu Ataatsimiititaliarsuup aningaasaqarnermut aningaasaliiner-mullu inassuteqaataasa inuiaqatigiinni aningaasaqarnermut kingunissai pillugit sukumiisumik misissueqqissarneq malillugu ingerlanneqassapput taakkulu qulakkiissavaat nunalerinerup piffissaq qaninnerusoq ungasinnerusorlu eqqarsaatigalugu aalajaallisinneqarnissaa. Nerisassanik imminut pilersornerulernerq anguniagaqarnitsinni tamanna Naalackersuisut pisariaqartutut isigaat.

UA2015 Imm. 17-mut akissuteqaat aamma innersuunneqarpoq.

3. Naggorissaatit avataaniit tikisinneqartartut sunik akoqarneri ilisimaneqar-simassammata avatangiisinullu sunniutigisinnaasaat suuppat?

Naggorissaatit nunanit allanit tikisinneqartartut annertunerpaartai NPK-mik taaneqartut imarai Kvælstof (N), Fosfor (P) aamma Kalium (K). Naggorissaatit narsaatitut siaruarneqartartut narsaatimut ha-mut (ha = 10.000 m²) ivikkat pisariaqartissinnaasai najoqqutaralugit siaruarneqartarput taamaasilluni avatangiisinut mingutsitsisoqarani. Pingoqqaatit sorlaniit tiguneqanngitsoorpata nunap iluanut kuuginnarsinnaapput taamatulli siallerujussuarnerani aatsaat pisoqarsinnaavoq tamannali panernersuaqartarnera pillugu ilimanaateqarpallaarani.

Pingoqqaatit aalangornerinik annertunngitsumik pisoqarsinnaavoq.

Inussiarnersumik inuulluaqqusillunga
Med venlig hilsen

Karl-Kristian Kruse